

負苞堂文選目

卷一

表

擬唐中書侍郎李吉甫上元日和國計簿  
表

擬唐門下侍郎同平章事裴度奉述憂勤  
機略進呈表

擬頒醒貪要錄於內外諸司謝表

擬儒臣進講春秋上諭以聖賢憂世之心

因命賜講官坐及茶菓謝表

擬上御文華殿講臣進講大學衍義禮畢  
賜茶謝表

擬上御文華殿少傅楊榮進講所謂平天  
下章學士王直進講生財有大道章上劄  
析其義諭之謝表

擬上御文華殿談典謨有感成詩示廷臣

謝表

卷二

啟

復秦王伯聞啟

復杜將軍啟

侯申相公啟

謝葉相公啟

謝劉司空啟

謝陳中丞啟

謝御史薦啟

餞徐京兆啟

迎都轉運啟

賀方少宰啟

謝李司徒啟

謝孫掌院啟

謝許副院啟

謝王侍御啟

回李達亭啟

上饒方伯啟

壽徐相公啟

賀王中丞自江西入僉院事啟

壽張太夫人啟

壽申太夫人啟

卷三

序

代送陳駕部視學兩浙序

送洪方伯入覲序

送陳使君之思州序

贈黃別駕奏績序

送游明府入計序

壽方司徒九十序

李侍御奏議序

元史紀事本末序

賀葉少宰入相序

贈裴司空予告南還序

送按察副使劉公進山西叅政序

壽沈母姚太孺人七十序

送蕭侍御考績序

南京會試題名錄序

古詩所序

唐詩所序

弋說序

元曲選序

元曲選後集序

彈詞小序

送徐京兆序

壽李太公詩序

曾明府三吳輿頌序



引跋

冒伯麟詩引

玉茗堂傳奇引

俠遊錄小引

荆釵記引

題六臣文選跋

題武將軍華山詩畫冊後

跋文待詔西苑詩卷

澹菴錢公墓誌跋

卷四

書

與張司理書

與吳載伯書

與吳允兆書

與姚伯道書

與周穉尊書

與茅康伯書

與許孝廉書

上謝中丞書

與章元禮書

答錢司理書

上潘司馬書

與歐楨伯書

與吳公擇書

與吳允兆書

復姚叔度書

奉徐少師書

與鄧忠父書

復閔明府書

復余司理書

寄錢中丞書

復李孟超書

復陸伯生書

寄黃貞父書

復濮明府書

答曹能始書

與曹能始書

寄姚通叅書

復李中丞書

復熊子良書

復李本寧書

與錢惟疑書

與謝在杭書

記傳

重建嘉興批驗所記

三教逸史傳

頌讚

台極頌

題沈孺休小像讚

吳仲虛讚

疏

清涼山顯通寺募緣疏

重建五雲山真際寺佛殿疏

礦銘

茅大夫礦銘

祭文

祭孫少宰文

祭郭中丞文

祭申相公文

祭王孝廉文

祭姚母閔孺人文



負苞堂文選卷之一

吳興臧懋循晉叔甫著

表

擬唐中書侍郎李吉甫上元日和國計簿

表  
元和二年

天生五材本待國家緩急之用帝齊八政必操  
食貨盈縮之權法汰繭絲慮周桑土謹借負版  
之式聊當前著之籌竊惟虞薰梓鼓爲阜民財

禹貢一書在稽邦賦寔太平之要務匪專殖之  
私圖自井牧廢而薄斂之治衰漸典籍亡而培  
尅之謀熾禁彌山海徒云利析秋毫察及雞豚  
豈念毒適黔首誕興唐運光集貞觀授口分世  
業之田設租庸徵調之制畜兵有府衛之定額  
故兵不乏而餉亦充建官有省寺之常員故官  
不濫而祿恒足天寶以降風教式微羽書歲警  
於邊戎亦爲時尋於方鎮矧鑿輿當播遷之後

興發滋繁而閭閻值兵燹之餘生養久絀幹理  
如劉晏僅能五事成名姦罔若延齡乃致百端  
爲梗征夫寡婦將轉壑以難逃部屋窮簷竟叩  
闕而莫遂哀鴻之中澤如此碩鼠之樂土謂何  
宜軫宸衷特廻欽恤

○○○神錫智勇聖亶聰明端拱垂衣膺日  
升月恒之祉有虔秉鉞奮風行雷厲之猷撲燎  
火之已焚拯橫流之方割華夷崩角幸覩漢儀

童艾開顏欣霑周德而猶憂勤不輟克責逾殷  
精誠旁燭於八紘懇惻潛孚於九廟仙厨撤味  
獸館休畋聘嵩少幽人隱淪動色贖魏徵故第  
忠鯁增榮何上理之不臻佇中興之有待顧西  
北之藩臣尚橫而東南之民力已窮郵坊邠寧  
七十城不通文告閩浙宣歙百萬戶總斃誅求  
丁口損四分之三忍復耽於虎視兵餉增三分  
之一可更恣其漁侵兼非時之水旱爲災及巨

測之征輸曷繼熒熒赤子益無粟而析無襦凜凜黃園旄之罄而壘之耻竊恐度支易竭元氣難培倘鈴下有脫巾之呼誰其彈壓或野外有揭竿之燧何以掃除臣見局管窺才慙劓發祇緣中宮卹草曾徼先帝之知嗣以外郡聲華遂忝史官之命誓傾心膂與效涓埃爲牧廿年具悉羌徭之煩苦備員三事敢忘稼穡之艱難是用稽登耗之由著鑿觀之跡勒成十卷進獻九

重雖多明危憂盛之言亦盡兵冗民貧之狀要  
知國胡以富于前而儉於後賦胡以輕於昔而  
重於今以兩戶資一兵其飛輓安得不困以一  
夫徵兩稅其儲備安得不殫自非神運鬼輸何  
從取給空復號天搶地靡救淪胥方謂痛切伊  
推焉可視同越射假令文皇至今而在亦有躡  
踏若蒙明主按簿而觀能無頓蹙伏願防涖竭  
澤戒謹漏卮銷刀劍以課農耕蘇息域中之涸

鮑蒐車徒以省軍實廓清鎮上之封狐則青海  
冰州偃牙門而納賚丹崖火徼窮珠穴而歸琛  
矣

擬唐門下侍郎同平章事裴度摹述憂勤

機略進呈表

元和十四年

伏以武振中興六合仰師貞之略文昭前誠九  
重增震虢之懷後先之規畫具存上下之焦勞  
未輟謹齋心而進御異觸日以垂箴竊惟國不

以歌雍舞象爲適化理全繫精神君不以戢戈  
包虎爲難究竟惟憑末路明良交頌猶勤鞞鐸  
之求述作重光不廢戶楹之警雖昌猷有赫方  
如日之中天而軫念無窮有若朝不謀夕用能  
兢惕益保休明齊桓矜盛會於葵丘叛生九國  
晉武侈雄圖於江左爨啟五胡致鴻名之頓虧  
慨過鑑之非遠蓋禍機本伏於微渺而治功最  
弊於因循有事則懼懼則思思卽多徹桑未雨



之慮無事則盈盈則憚憚卽輕積薪厝火之防  
故聖王每履盛而虞衰在盡臣必慎終以如始  
○○○○青宮毓德紫極承休纘十葉之洪基  
奮四征之偉蹟攬乾綱而獨斷運離照以兼臨  
含齒戴髮之倫各欣寧謐航海梯山之域咸順  
指揮蠢禽醜徒敢違文告尋干戈以窺畿甸盜  
據淮西連烽火以撼疆場陰通河北欲剪鴟張  
之勢宜申隼擊之威乃建議者以供給之不支

多伏蒲而請赦討叛者由節制之不一皆按甲  
而莫前詎意狂愚過符神哲起臣於重傷之日  
加臣以都統之銜出祖登門詔旣排羣臣以專  
後流涕辭闕誓豈與逆賊而俱生進旅屯雲色  
動熊羆之校潛師犯雪聲囂鵝鴨之池于是九  
攻九却之計窮八戰八克之勲茂桓桓奏捷懾  
狐鼠以亡精矯矯獻囚戮鯢鯨而築觀承宗削  
封於茅土師道懸首於藁街宿忿頓平靈威大

豈此皆稟之睿筭何敢妄謂賢勞顧臣恩重才  
輕識近慮遠所戡伐者惟三鎮備嘗萬里擲風  
沐雨之艱所謀斷者在一堂久歷十年旰食宵  
衣之苦尚煙塵之充斥可堪徂彼前功曾歲月  
之幾何奚遽藜于晚節巖廊分甲乙之黨度支  
任庚癸之呼臺閣九層望瑤池而降王母塔凌  
千仞奉朽骨而讚金仙厚積羨緡遠尋靈藥念  
忽差於一旦事若出於兩人濡裒之戒漸疎復

隍之虞恐涉臣所以載搜往跡輒續宸聰天命  
難諶肯厭祀人憂墜國步未靖空懷魯女悲吟  
托簡冊之微辭用備九五燕閒之覽效涓埃之  
小助美畱萬一儆省之資伏願勤表惜陰憂深  
履薄承暉殿裏肅然宣政初辰龍首渠邊凜若  
蔡州寒夜至意旁乎於廟社凝父母天地一氣  
之祥大防永固于華戎貽子孫帝王萬世之業

擬頌醒貪簡要錄於內外諸司謝表

洪武

二十五年

伏以王言秋肅十行垂貪黷之箴睿制春溫三  
復仰澄清之益琬琰遙傳於帝闕冰霜競切於  
臣隣擬答泰交增懷乾惕竊惟肆筆成書本出  
聖入神之餘事援古爲鑑乃治民理物之深資  
繩契已還簡冊斯備雖云憲章不乏實則教化  
無稽栢梁罕誠勗之辭花萼惟滂靡之什鳳閣  
侈哀於三教鴻都濫售於八分甚開墨勅斜封

敢竊寶弓大王明良道喪謨訓風微詎有光闡  
弘猷宣融上理剖晰乎貪廉之義提撕乎中外  
之司煥若天象昭回洞入表以皆燭儼如聖經  
對越襲六典而不刊近可作範於螭頭遠足貽  
謀於燕翼者也

皇帝陛下聰明克亶神勇無前黃河爲聖人清  
凝上祥於北極金陵有天子氣拓偉略於西京  
奮百戰而掃氛靈懸寓重瞻日月纂一戎而拯

饑溺黔黎共慰雲霓匡夏攘夷耻唐宗可汗之  
號制禮作樂陋漢儒絲最之章國寶已集乎共  
球宸衷彌凜於淵谷謂卹民必先計吏而繩貪  
卽以訓廉旣頌文告以肅官常旋編歲祿以勤  
民隱盤餐粒粒靡非汗土中來廩餼繫繫寧是  
兩珠可得循品第而程其資給文裾武弁兼陳  
總穀入而課其農功露宿霜食具見爾俸爾祿  
退食處當思沉寗晨寒民脂民膏式燕時須憶

窮簷暮泣指獨憇於尸素名因冠夫醒貪砥礪  
百僚班布六服言約而盡能移污濁爲貞意切  
以深可使酣迷頓覺顧韋絃而等益豈擊枕以  
矜工墨吏潛消由此改圖於股削蒼生永賴從  
今蘇困於征求無煩饕餮之誅有甚金錢之媿  
幡然凜雪翕矣成風臣等鹿鹿羣趨魚魚自飭  
榮叨君賜清畏人知念阿堵物于我何加豈階  
一官爲苞苴之計讀古賢書所學奚事忍殘百



姓爲溪壑之謀敢不表節羔羊窒情麀鼠納膏  
腴而不潤軟泉水以逾堅誓却揚金庶無慙於  
幽夜肯私鄭璧終受罪於匹夫伏願威輯虎包  
恩覃龍御勅幾康於一日二日基宥密於先天  
後天帑藏充盈尚靳露臺之費功旌妙選猶防  
風隧之謠養賢以綏兆民媿嘉靖殷邦垂書一  
統作人而享遐壽邁縣長周曆胤祚千年

擬儒臣進講春秋上諭以聖賢憂世之心

因命賜講官坐及茶菓謝表

宣德三年

伏以寶帳橫經袞鉞示一王之法黼筵論道絲綸垂百代之箴精研尚愧於董帷優賚已重於戴席榮沾湛露喜溢鈞天竊惟鴻濛肇闢綴遐訓於墳丘勳華邁興揭辰告於謨典背足丹青神化鼓吹恭隆然理亂之故莫詳而法戒之規不備魯爲宗國秉周禮盡在之稱聖至宣尼挺生民未有之望自東遷而黍離亡雅迄西狩而

麟獲成經託二百四十二年南面之權紀一百二十四國中衰之跡尊攘並著褒貶兼該予奪不借于單辭筆削尤嚴於一字防流杜漸雖荆吳雄長恒裁其猾夏之謀顯微闡幽若齊晉同盟屢責以勤王之義以天自處有罪必誅信萬古之法程展五經之斷案卜于夏親承聖教而公穀分爲兩家左丘明歷敘事源而虞鐸撤爲數卷競崇師說各立門墻徒益紛紜彌增誕妄

劉子駿僭爲改撰敢恣肆以移書雋不疑何所  
發明輒牽引而折獄沒微言於滋蔓叢大道於  
多岐五始之學誰傳一統之公遂泯事如有待  
文不在茲

皇帝陛下御籙登樞體元握治續二祖一宗之  
建立豐日中天廣九官列牧之咨諏奉交斯卜  
每切萬幾競業之慮不輟三雍講述之勤甲命  
儒紳對揚秘閣謂帝王之治本於學而經筵爲

五學最先聖賢之情見乎詞而春秋則一辭莫  
讚敷陳古訓獻納新知在庸鄙猶滯於言筌乃  
宸聰已洞其旨與卽一事而憂深思遠總提綱  
挈領之心雖片語而義正詞嚴皆扶顛持危之  
術言言破的豈經生學士可希字字窮神非老  
師宿儒所究若太陽流照芒掩羣星譬洪鐘叩  
懸音發衆律乍疑攻木頓喜發蒙蓋天聽卑念  
臣侍久假胡床而賜坐出仙液以分珍玉案近

依瑞靄接香爐共惹珠簾不隔清風隨茗椀俱  
生紫筍月團潤寒蟬之噪吻葡萄盧橘充饜鼠  
之枯腸寵絕邁於投醪感逾深於推食顧臣等  
愚幾忘馬弱不爲臬睹大義之揭天驚小智之  
窺日拂歸鞍而帶絲籠力豈勝恩候曝直而數  
花磚言難盡意終與輸其塵露庶不負乎稻梁  
伏願治戒濡初學懲止簣勒華夷內外以嚴其  
界嚴王伯正譎以峻其防消息盈虛必謹偕行

之運禮樂征伐毋移獨斷之威則洙泗之淵源  
可紹而青史光豐鎬之曆數克踰而黃圖鞏

擬上御文華殿講臣進講大學衍義禮畢

賜茶謝表

弘治元年

寶笈雲暉紀載覃聖經之要金華日麗講求昭  
帝學之勤鉛槧之業有光堂陛之交不隔覲龍  
顏於晉接拜手揚休奉雀舌於渙頒捫心知渥  
竊惟百王莫盛於仲尼而一貫獨唯於曾子爰

作大學未喪斯文本之修已而慮切銘盤推之  
治人而化弘繫矩淵源邈矣實東魯授受之微  
言綱目粲然乃南面經綸之上術慨異端之簧  
鼓致大道之蕪蕪豈不昭揭於鴻都時亦表章  
於虎觀園籒而修憲老錯三雍緜棗之中重席  
而競談經在二戴曲臺之後嗣流傳於洛下載  
衍義於西山袂聖賢道德性命之精掇古今興  
廢安危之跡于言不厭治理洞若秋毫一覽未



終謨訓炳如白日曾顛高皇之廡壁間進列聖  
之經幃勿替燕謀適追鴻烈

皇帝陛下祥開河紀睿總天維禮暨樂以咸興  
兵與刑而不試克勤初政務澄源端本之功率  
由舊章參重道崇儒之典絲綸傳後殿花香繚  
繞朝衣虎豹啟前旌雲氣鬱葱仙仗簪裾列侍  
圖籍旁蒐一日萬幾競業廣廈細旃之上上四條  
六要敷演殘編斷簡之餘精神潛契於昔賢問

難各窮其新得蓋將悉考古証今之義夫豈爲  
循章摘句之資惟聖心獨觀昭曠之原直已折  
衷於衆論故皇恩迥出尋常之格遂令普潤於  
羣工紫筍芬浮莫辨御爐煙烈綠華飛色徧驚  
上苑春饒美動七情風生兩腋顧杯漿而慙味  
指蘭露以侔芳伏念吳主分茶愛才思渴晉王  
置茗下士懷虛臣等何人被茲殊寵抱琅函而  
奏御志徒切於豹窺握黼幄以颺言識竟迷於

蠡測未濯金莖之秀橫霑玉井之茸敢不滌慮  
餘水銜榮設醴退以吐剛茹柔自戒進以獻可  
替否爲恭惟嘉謀嘉猷乃敢入告非曰仁曰義  
不取前陳伏願學懋修而乃來緝熙靡懈道若  
望而未見顧謨常殷任斷斷而愛惡之極端詠  
天天而仁讓之風洽明德新民止至善礪切磋  
琢磨於九重家齊國治天下平衍樂利親賢於  
萬禩

擬上御文華殿少傅楊榮進講所謂平天  
下章學士王直進講生財有大道章上剖  
析其義諭之謝表

宣德六年

伏以聖衷勤政敞紫閣以談經帝學研幾扶玄  
扃而啟秘言壇明晰義海淵渙開一代之太平  
訓嚴振鐸導羣工之蒙昧喜溢書紳竊惟大學  
全書爲千古傳心之要訣而治平一傳尤百王  
制理之芳規別賢否如鏡握天門高士下鴻冥

之弋叙本末如衡懸斗柄貪夫絕幪慕之羶乘  
能愛能惡之公豈樹私家桃李揭悖入悖出之  
戒盡芟利孔荆榛自禮記稍雜於漢儒而衍義  
始呈於宋世東魯之微言漸泯南面之涼德滋  
多以崇政講說爲虛文以承明傑直爲故事賢  
關久塞弊竇旁開兩稅均輸閭閻之脂膏竭矣  
四科取士草澤之神彩索然大都聚斂之謀罕  
有慎修之實倘非聖神之繼作誰闡經傳於重

明

皇帝陛下道契希夷誠參化育續二祖一宗之  
緒恢三皇五帝之勳肆伐貸安南務止戈以綏  
荒服征徃停浙右防竭澤而惠黎元比從燕居  
清暇之時更修稽古崇文之典遙傳禁禦翠華  
指金殿以來臨簡命詞臣蒼佩集瑤墀而進講  
謂孔門之首義悉曾子之末章共理陳言反覆  
何辭拆角各據新得討論必欲窮神畜西山致

主之思徒披悃愾究考亭分經之指猶滯藩籬  
終慚愚慮之千莫當王心之一鈎深致遠未展  
卷而精奧潛通挈領提綱乍吐辭而條理具見  
勿容萋菲恐妨有利之臣豈在蘭絲乃是生財  
之道遠小人親君子官聯庶可澄清急撫字緩  
催科民困方能蘇息重爲分割遍與叮嚀溫語  
頒來垂照儼殷庭之鑑德音徹處指迷恍軒后  
之車蓋皇上資本天聰能發前人所未發故微

臣聽當風順獲聞今日所未聞臣等識陋雞碑  
文疎鼠獄三朝恩遇負剛直之虛名一介遭逢  
偶雍熙之景運雖惓惓粗知報國而碌碌無可  
逾人敢不持正論以格心將共稷契臯夔贊格  
天之業本經術而弘化肯學申韓業孔貽蠹治  
之端伏願寶善是圖發身爲憲幣勤三聘蒸蒸  
雲雨賢才弦切五揮穰穰水火菽粟則戴日戴  
斗命集有常卜世卜年德流不諼矣



擬上御文華殿談典謨有感成詩示廷臣

謝表

宣德四年

伏以明王思治資遺範於典謨盛世颺歌泄元  
聲於風雅揆雲霞之麗蒸遙映十行分琬琰之  
餘暉俯頒百揆開函色動捧什瑰搖竊惟結繩  
而降尚書闡混沌之文垂衣以還二帝擅勳華  
之盛危微精一授受之淵源喜起明良都俞之  
景象虛懷諫鼓軫念薰弦聃脯腊以居勞卽茅

茨而示儉故能使比戶有可封之俗舞階無不  
格之苗圖書出而龍馬浮金石諧而鳳凰集此  
所以卓冠萬古興起百王者也慨夫秦燎原中  
都成灰燼漢矜馬上靡事蒐蘿殘編多錯於汲  
書舊簡僅存於魯壁自伏勝始以教士至梅賾  
乃列學官徒循掌故之燕辭或修臨雍之故事  
書屏書廡何加韋布之勤作賦作圖詎比美堦  
之切蓋樂此而不疲者有矣求稽古而能獲者

誰與

皇帝陛下欽承玄謨丕揚休命乾綱整肅每一日而惕萬幾允澤滂沱繇兩都而浹四海懷恩慕化之黨候雨占風疇德應聖之符非煙若霧固已祥鍾三脊瑞輯五靈丹浦之君睠鴻圖而讓美媽墟之后撫駿烈而慙賢過挹謙冲無忘仰止清蹕忽傳於武衛乘輿特降乎文華謂記言記事已來大法大猷安在追格天協帝之蹟

心遊蒲坂平陽誦元首股肱之歌神契總章衢  
室乃以惟幾惟康之感發爲如珪如玉之吟紬  
繹宸衷輝煌御札踵芳規於曠世見之古亦欲  
見之今漱妙旨於餘編得其詞兼以得其意聊  
借五言而作體不因六代以爭妍遂遣近臣遍  
窺雄製音塵雖隔精神本通而霽顏共覩廓如  
下濟之光明溫語均成藹若太和之盎溢臣等  
幸隨擊壤叨厠闢門春鳥秋蟲抱微音而欲吐

西崑東壁仰玄象而思瞻非訓比葵臯豈容漫  
爲拜手必道參姚姒乃敢獻以沃心如徒登常  
侍之牀曾莫諷誠懸之筆蟬蛸歲月將無遺誦  
於伐檀狼狽功名抑亦懷慙於撻市伏願取人  
爲善能自得師帝驟王馳務咸五登三而立極  
聲律身度俾襲六爲七以成經舉八元八愷於  
朝端遠陋商巖周渭播九德九功於宇內長欣  
舜日堯天

負苞堂文選卷之二

吳興臧懋循晉叔甫著

啟

復秦王孫伯聞啟

漢盟白馬非劉不王者三百年周光赤烏同姬  
而封者五十國必待維城之傑斯堪祭酒之尊  
恭惟殿下稟潤天潢承暉日觀屏膏梁之習蕭  
然若寒士風擅翰墨之工倬哉得作者體賢聲

藉藉當在東平河間之前藻思翩翩更出大曆  
開成之右而猶過自抑損不敢驕盈設梁園之  
席而禮異人築碣石之宮以延豪客網羅四海  
揚推千秋遂使踈逃之姓名亦叨清燕之采錄  
遠垂駿顧橫被鴻儀寵借踰涯褒揚非當柰某  
素無實學徒負虛稱占丘壑以爲雄抱煙霞而  
成痼未遇鍾期之賞輒欲毀絃若見陸機之文  
自應燒研思真龍之忽下識凡鳥之先題白雪

旣操庸假巴人之曲凌雲已構詎煩櫟社之材  
况乎蒲柳姿衰桑榆齒逼曳裾何日置醴難期  
戴華嶽之崔巍徒慚恩重泛黃河之浩渺罔報  
知溪鴈足數行魚腸徑尺託此爲謝終莫能宣

復杜將軍啟

恭惟門下道器閎遠德宇靚溪方略家傳展雄  
風於馬上智謀神授決勝筭於帷中蓋天子遣  
趙將軍專欲驗破羗之策而路人問霍去病已



能收絕漢之勳矣止萬夫敵所向無前抑亦八  
面才何施不可是以旁搜六籍則詩書禮樂事  
業尤多盡護羣師則壁壘旌旄光彩加倍然而  
絳侯以安劉績顯若考其門第何階征南以僻  
左才稱終恨其淵源莫嗣乃知後先濟美厥惟  
艱哉文武兼資又其細耳聞者屬四埵之無警  
因而得三教之旁通雖總戎機希追隱跡吞九  
溟於筆海快矣抗檣挾三岳於詞峰脩然長往

遂揮黃金以招方士更勤蒼璧而禮儒流勒作  
新篇用代麒麟之畫畱爲故事將尋鷗鷺之盟  
如僕者本是畸人有何他技久置念功名之外  
謬馳聲文字之餘直以同調而要白雪之訓豈  
日無媒而來明月之盼敢不仰承高獎曲撰蕪  
音託以自將列之如右寸丹報德指秦路而方  
窮尺素緘誠伏吳門而逾誓

侯申相公啟

代作

竊以宰相爲朝之柱石眷顧常殷老成繫國之  
典刑注望尤切厥惟同德一阿衡乃格于天如  
彼妄男百富民何補於漢赤舄之歌有屬黃麻  
之召可期恭惟閣下忠結主知道開民覺海岳  
無運動之迹人蒙潤而莫窺風露以長養爲仁  
物滋生而自遂試問昇平之化當誰輔弼之功  
何意避賢驟聞告老營綠野之別第追赤松之  
遠游七十從心心已渾忘於出處五百名世世

猶倚重於安危蓋九重本尊李泌以先生而四海胥戴子儀爲尚父况乃華年彌劬精力無衰于時親見之紆謨所與拜施今日于躬未竟之緒業豈容盡付後人某意曠才疎身勤事左自慚踏地已失扶搖萬里之圖敢學書空且共侏儒一囊之粟匪階洪造孰借枝棲顧馬微官闕修芹獻是以斐哉狂簡忸布鬱陶諷杜陵之詩惟思庇於廣廈爲狄梁公士應耻出於他門伏

願永叶朱衣介幘之祥益崇黃耳王鉉之寄

謝葉相公啟

代作

伏遠墻藩亟踰年籥挹徽音於揆路戀逐時移  
竊餘潤於輿雲感隨情至恭惟閣下氣鍾五緯  
文藻六經適我后垂衣端拱之辰是上相秉軸  
經營之日衆言方亂守之以靜而自澄庶政漸  
隳整之以暇而悉舉凡所紆畫具有建明而猶  
獨坐退思之巖溪懷几几高啟平津之館不怯

翹翹譬諸播大釣者無垠故雖占小善者必錄  
余其學未聞道材莫猶人甫遷典客之司已虞  
謫滿旋正罔卿之命承玷榮除詎有清資而致  
然會何素望之及此敢不勉圖驅策覲答均陶  
廉比公儀無改懸魚之操謹同石慶常存數馬  
之心庶幾却日揮戈收効在桑榆之境豈必順  
風擁篲銜恩歸桃李之門

謝劉司空啟

代作

人其愚不通今拙惟嗜古少妄謂功名之易就  
長始知事業之難終故得與之願益頽而躡席  
之慚轉劇凡所剔歷曾惟日計之能勉爾經營  
僅守年勞之次數殆盈於百謫技畢見其五窮  
何意翰音忽塵罔命蟠木爲萬乘之器根抵誰  
容祥金入大冶之鑪鑄錒非想當必有吹噓而  
及此夫豈誠僥倖以得之恭惟門下敏劭天材  
穹華地望承家則太丘兄弟並奏埶筮遇主則

虞世君臣載賡徵角山濤放在九流僉服其品  
題吉甫詩存萬邦共憲于文武定置宰衡之右  
遄歸跬步之間而猶以廣集忠益爲心拔擢幽  
沉是急加之攻教雖疲駑亦十駕之資被以收  
羅卽弱鱗皆九戩之選遂令無似猥有茲遷人  
或笑分寸之攀躋何其蹇也自不翅三千之距  
踊將圖報焉子墨虔申寅丹莫旣

謝陳中丞啟

代作



伏以千城帝之心腹眷注爲涖饒道國之咽喉  
經營尤急况當河防屢決之後重以度支告匱  
之餘設非崇伯滌源詎底平成之績必若蕭侯  
轉運方紓宵旰之憂所貴文武之兼資來副兵  
民之屬望恭惟門下粹然楚寶偉矣周楨持三  
尺以聽祥刑式聞空國備九邊而引漕粟復借  
登壇雖草木盡識其威名將山川頓增於氣色  
叱咤則千屯雷動指麾則萬檝風生雕戈淑旂

益壯金隄之勢玄冕赤舄佇還玉鉉之司某百  
拙無堪一愚自信匪直青雲顯要未嘗敢輕易  
以求通卽如平日舊遊亦每坐澗疎而獲罪豈  
期弘貸猥辱隆施殆於造我如天不知報公何  
地顧漕政之與馬政事有相關而淮陽之去滁  
陽境非爲遠更冀始終覆護左右提撕庶使收  
名定價於大君子之前可免商功計利於賤吏  
夫之隴

謝御史薦啟

代作

漢崇八使之班式嚴風紀唐優六察之選彌峻  
霜稜秉白簡以立朝封皂囊而論事其必是非  
無爽高下叶於權衡然後舉刺不頗寵辱加於  
衮鉞恭惟臺下堪輿間氣江漢精英雅望默可  
鎮浮閔抱卓能剗劇鳴琴致理譽早達於彤墀  
攬轡澄清芳並流於汗簡出胸中朗鑑坐燭下  
吏之百奸發肘後禁方立起疲民之九殞每從

行部尤切題材詎謂庸流誤叨殊目念其寒瘼  
地稟狷本性成有母在堂空佩教忠之訓無資  
逢世祇貽守拙之譏况屬大邦逾媿小器徒使  
祿過千石而效乏一籌封域廣則利病未能悉  
通獄市繁則聰明有所不逮田里多呻吟憔悴  
之態郡邑少敦睦揖讓之風動感觸而爲之掣  
眉將措置而能無掣肘旣恐與人枘鑿又耻隨  
人桔槔故嘗斟酌於事宜不盡拘擥於文法寧

滋多口遑卹微躬所幸國是清明日月具照台  
慈覆庇山藪爲藏寬之罪盪之餘登之薦揚之  
取彼列郡循良無數尚欲短以取長豈下走分  
量能堪直是愛而忘醜亦何異策駑成駿飾朽  
加雕縱未能陳情以乞休冒榮已甚如更遣覲  
顏而受賞速謗可知似此隆施當何報稱敢不  
勉圖樹立重自激昂惟末路之益工斯素位之  
無忝雖仰體朋止之義若不言恩而少酬師錫

之公庶猶歸德

餞徐京兆啟

黃花映野衣冠集西候之寮丹葉滿林樽俎啟  
北梁之席少攀騶御共展餞私恭惟門下妙技  
解牛餘威避馬榮加九命指巖石以具瞻績奏  
三年捧介珪而入覲流芳遺澤江左天南去蓋  
征軒雲端日下黃穎川之令望不次當遷劉京  
兆之微言何時重接將依勝地用儼初筵清風

穆而城闕寒白露滋而山川遠潮聲暮動翻入  
離歌嵐氣晴飛來催別酒嚴程不駐願擁傳而  
無從斜景可留請廻戈而戀賞

迎都轉還啓

代作

恭惟門下衣鉢文章箕裘軒冕佩虎符而臨千  
里憑熊軾而撫百城計上其泉聲望與金甌比  
重波澄漲海勳華共劍柱爭高帝心已眷其惟  
良公論且須之大拜豈謂煮海之役終歸調鼎







咸和之慶某器非適用分合歸耕願託共里之  
榮與附慈風之末元禮高門在望竟阻鱗攀孫  
弘東閣方新敢忘燕賀搖旌所嚮涉筆難宣

謝李司徒啟

代作

伏以六卿紫橐版部爲繁三輔黃圖倉塲最重  
苟非周知於戶口阨塞之要何以參酌於錢穀  
羸誦之經故王夷甫耻而弗言直是清虛之品  
若蕭鄴侯供而不竭乃稱輔相之才矧今國儲

自不空三卷四 卷二  
尤勤帝念積之微而耗之廣山海亦有盡藏散  
之易而斂之難杼柚已無遺力盡黎庶之剝心  
甚矣將廟堂之束手柰何恭惟門下炳靈出嵩  
嶽之名宗擢穎得平輿之妙鑒虎符玉節久鎮  
江西龍袞繡裳遄歸極北借自股肱之地委以  
喉舌之司九府佇待其規摹四海想聞其區畫  
樽節滲漏匪規規流地之錢調度通融豈眈眈  
雨天之粟蓋惟本憂國憂民之慮少爲運籌卽

能使足兵足食之功可期成效其甚謬叨驥附愧  
闕魚書自分迂疎合就歸耕之計雖蒙提挈忽  
徼待駕之榮公雖不居其恩我固已知其自敢  
持一念不貶之學以爲異時誓報之圖歌杜陵  
詩願永保於大廈作平陽客寧復掃於他門

謝孫掌院啟

代作

竊以今之中丞古稱亞相總三臺之糾察威望  
獨隆領四方之副封彌綸益密倘乏正繩之譽

何堪弄印之榮恭惟門下受天錫材爲國元老  
用經術而飾吏治本自關西繇直道而盡危言  
彈從柱後宸庭資其補袞揆路藉以持衡凡夫  
刀筆冗瑣之流悉在簪橐甄收之數若喬嶽之  
蓄雲泄霧人蒙潤而莫知類滄海之包乾括坤  
物何歸而不得顧某兩髦頓雪百念俱冰分東  
壁之末光恍驚昨夢尋南淞之舊跡深媿重來  
豈誠無羽翼以能飛當必借齒牙而爲助故茲

遷轉良已僥逾雖業庾久役於老聃然毛遂孰  
通於趙勝功名直身外之餘事未足蒙知節誼  
乃天下之大閑持此圖報

謝許副院啟

竊聞貢禹之封章累萬言輸忠固無別指吉甫  
之薦士數十輩流澤乃在異時顧慚疎逖之蹤  
亦綴收羅之數敢忘歸德竟闕修詞恭惟門下  
養盛而材周器閔而識遠英英風采冠赤墀供

奉之班凜凜霜威領白筆抨彈之責假顏路忠  
邪之靡辨將堯舜聰明其柰何矧今國是之淆  
未見臺綱之肅若浮議則鼠牙而莫能詰若弊  
政則蝟毛而不可爲欲共濟於艱難端有資於  
弼亮此九重所以虛佇四海所以具瞻秉軸持  
鈞匪明伊夕念某詩書門戶止求無忝於先人  
塵土軒裳猶復褻褻於末路湯焉未能信之仕  
兼之不足畏之年卽茲典客之銜已多超躡驟

拜奉車之命孰借吹噓直以故人憐附驥之私  
遂使拙宦被遷鶯之寵敢不力鞭其後圖稱所  
蒙豈謂無言自外公門之桃李縱令不採何傷  
幽谷之芝蘭永以操修是爲報塞

謝王侍御啟

代作

繡斧時巡肅霜威於八表彤庭報命洞氷鑑于  
羣工方承鼓鑄之恩更荷昇噓之力謝固不敢  
德豈能忘恭唯臺下以間氣賢爲名世輔豹文



霧隱聲名蔚起於朔方鵬翮風搏墳典縱觀于  
中秘尋膺簡注超拜裏行當乾坤清謐之朝居  
山嶽動搖之地入則擁皂囊而進御出則乘白  
筆以扞彈卽今浙以東浙以西會自望塵而凜  
凜直使吏無大吏無小誰不奉法而兢兢九戩  
之魚鱗魴遊歸周室千里之馬騏驥並獻燕臺  
遂致閒曹叨題薦刻念職凡容俗狀本乏魁梧  
竄質綿才尤慚幹濟徒階門廡濫厠鹽官亦知

栖枳之流定非鸞鳳旣負求芻之責敢返牛羊  
諒多瘵曠之愆忽有特達之遇望不及此得之  
駭然誓效捐糜勉酬鈞造掃丞相府雖難掩人  
言魏勃之庸處平原囊或可脫下客毛遂之穎  
謹裁尺素私布寸丹仰冀台原俯垂慈納

回李達亭啟

夙未借交忽奉兼金之賜比欣淮記更聆如玉  
之音惠損稠繁慚終裂積恭惟門下器資端亮

經術淵閎論不媿于先賢師友孔孟遠可行於  
斯世妾婦蘇章首擢桂林俯勞花縣乍試一同  
之政旋騰三異之聲士元猶耻于見才卽墨旣  
從而造毀然吏績如此公道謂何汪汪若干頃  
之波豈以撓來頓濁湛湛如七子之境偏於磨  
後增輝故使製錦之譽益彰躋輿之望轉重寧  
迷故步載發新硎學道愛人自不妨割雞之笑  
治中別駕翻足爲展驥之圖川泳雲飛未應煖

席幕開風動佇拜溫綸蓋其必然非敢爲佞某  
伶俜寡與蹙蹙多畸逆旅養歿聊假賣文而作  
活窮年鉛槧敢希述古以成名偶藉游揚輒通  
漫刺方瞻鴻漸遙跂來儀已聽鶴鳴同縻好爵  
報瓊雖切贈紵何能詢知出梁公之門固無虛  
士倘容入言偃之室亦附高流尚冀趨承虔申  
謝悃

上饒方伯啟

代作

出漢殿而分符早膺寵數控吳都而作牧近挹  
聲光星臨牛女之在天木會江淮以宗海榮綸  
特簡末屬傾瞻恭惟臺下經術無雙治平第一  
真材命世巖巖粉署之英蒸思凌雲鬱鬱劍津  
之秀蓋素養者本孔孟聖賢之定力而駿發者  
必阜夔遠大之奇動自柄文衡羣士悉歸模楷  
比叅方岳列城咸籍旬宣願惟帝念厯于浙中  
實謂民賦甲于天下以有限之征輸充無窮之

支費故帑藏非粟紅貫朽之初當不時之年歲  
應無已之誅求故閭閻多疾首蹙額之狀將釐  
宿弊必仗貞臣使之蠲銖銜以厚黎元積京坻  
而豐國計五熊先駕浙東浙西之地雖所經營  
雙隼拂旛若耄若倪之人登于衽席雄藩浩穰  
會迎刃肯綮之間法禁從容卽聽履嚴凝之表  
其五花未習千石虛叨矧才識如綫之微而機  
務勞絲之委不虞煩劇以昇疎庸莫逃小吏吏

之凌兢敢託大鈞之塊北帥令長而趨下列終  
累一陶褻章服而拜上官謹當三沐庶申賀悃  
柰局官聯尺緘未遂于馳驅寸抱彌增其蘊結  
壽徐相公啟

萬世享太平仰調元之有素六符開景運識餘  
慶之無涯紫氣氤氳誕膺純嘏黃扉深遯夙切  
具瞻恭惟閣下儀表鴻達名都虎觀秉鈞衡而  
戟門晝敞垂謨訓而椽筆春迴兩詔中興快覩

聖光之日月千秋願命誰如一德之君臣丹衷  
秘委于金滕赤手胼扶乎玉座帝情優晉接還  
聞博陸辭侯國是炳離明詎擬平津開閣何嫌  
得序卽在同升豈爲流言忽甘引退朱提捧賜  
皂蓋騰馳動庸寫像于麟臺未改憂時之鬢疏  
草嬰鱗于驪海偏輕去國之身蓋龍隊幾十餘  
年茲鵬息之六越月睠惟御袷報是懸弧人文  
叶兆于河清天意呈祥于奎聚靈寶借青鸞西



至綺席生香仙歌借白鶴南飛金殿應律堂宁  
念相兩朝之耆舊特旨修曠百代之典章乃遣  
行人曰咨上宰渙絲綸于存問籍筐篚于褒嘉  
渥矣恩波三泐逾增浩蕩歸然壽域九峰轉覺  
嶙峋庭際芝蘭曉競抽盡擁錦衣而戲彩門前  
桃李陰初合僉投玉案以稱觴翻知綠野之優  
游允繫蒼生之屬望任懸車于華閭應易蒲輪  
仍聽履于彤墀時扳赤鳥某自慙凡鳥久辱鳳

題不分疲駑曾來駿顧居幸隣于桑梓戚忝附  
于蒹葭恭承嵩降佳辰欣效華封私祝願南極  
遙臨于吳苑爭榮酌兕之班而下材叨部于荆  
藩莫赴紱麟之會聊陳穎楮借頌岡陵伏願玄  
祐彌隆真禧茂介斂箕疇之福施及雲仍賡周  
雅之篇同歸主上

賀王中丞自江西入僉院專啟

恭惟明公授鉞天朝登壇江右一時丰采萬里

澄清遂使綠林解戈黔首帖席深仁淺乎彭蠡  
崇勲俯乎匡廬故近習則胥史以及輿臺遠聽  
則州郡以逮邊徼多歷則父老能評則搢紳皆  
謂明公敏作能精寬大無漏逍遙匪適綜核不  
苛誠仁義之金湯西南之保障也屬聖天子宵  
旰晷治夢寐懷賢謂須列栢重臣以糾三輔郡  
吏乃勤詔璽特走徵車乘憲外庭風裁夙推于  
薇省鳴珂北闕霜威具肅于蘭臺都中行避花

竊知按章之權重鄴下才輕繡虎識抗疏之名  
高宅揆允端國鈞攸寄豈不深吾道彈冠之慶  
而邁主恩賜劍之榮哉某駑似不前樗如無用  
幸濫竽于末路遂攬轡于方城曾向龍門御李  
膺不忝青蠅之附佇看麟閣圖充國何當白璧  
之投雖拮据之勢靡遑而詣賀之心則切肅將  
筐篚私佈堦墀素乏先容更慚後至藉輸忱于  
炙猷冀徼惠于麾存

壽張太夫人啟

輝騰寶婺南山開壽域以嵯峨賜渥金莖東海  
引恩波而浩蕩百僚交忭三楚增榮恭惟太夫  
人昭代母儀昌時人瑞清淑抱湘江之竹幽芳  
茹漢浦之蘭產珠則照乘孚胎韞璧則連城邁  
種思文稱后稷實載育於姜源篤棗頌姬公由  
克生于文妣受憑几之命不動聲色而四表晏  
如當負辰之朝總攬紀綱而羣工允若以其身

任天下重攄鹽梅舟楫之弘猷以其學爲帝者  
師庶元首股肱之逸響分投魚水會際雲龍雖  
上宰奉公重遠揆衡之地而明王錫類善推定  
省之情迎養特遣中官賚予頻頒內帑掖庭召  
見環珮聲徹彤墀邸第送歸榆翟香分紫禁金  
爲昆玉爲季懋文武而功勒彝常鳳之子麟之  
孫嗣後先而名垂汗竹鴻庥未艾燕喜奚勝遙  
瞻壽母之辰適屆恢台之候堂闌棗日雕楹繡

幌映輝煌觴泛流霞急管繁弦爭窈窕仙馭駘  
黃鶴藥宮樹秀三珠玄帙報青鸞蓬島桃菲千  
歲彼潘令以板輿奉御遂目殊因憐而萊子以綵  
服稱歡猶標純愛未有舞袞衣于膝下羅簪笏  
于階前迺如今日之盛者也伏念職昔效掃門  
幸辱通家于北海頃緣請闕銀逢開閣于平津  
拜燕市之黃金過徼前綏之惠聽郢都之白雪  
殊虛刻羽之才感切生平賀慚人後舉兕觥而

獻壽華封之祝徒殷續貂座以颺言周雅之歌  
莫罄所願俾昌而熾遠覩雲仍之茂而與國同  
休訓孝爲忠永貽宗社之安而並天罔極

壽申太夫人啟

崇封石窳光騰彤管之書介壽瓊筵喜溢班衣  
之舞馳賀賓於南國錫備物于中朝樂事駢闐  
頌聲環匝恭惟老師閣下昭回降彩沆瀣融精  
伊呂伯仲之功於斯爲盛堯舜明良之眷如彼



其專雖過井絡之歸猶重斗樞之贊老師母慶  
鍾動閤道媿名家輔佐積勤袞龍作弼休祥有  
衍夢燕徵符繼思齊思媚以興歌次第七旬之  
袞宜如山如河而象服勞煌五福之時念昔王  
霸鹿門率糟糠而偕老梁鴻吳市攜荆布以齊  
眉然迹晦而名實無聞亦身窮而子姓不顯豈  
如太平相業長容綠野之間濟漢家聲寧負青  
箱之秘况乃墮筮遞奏羔雁成羣擢枝禮闈幾

戀親輿畱御攻駒問牧初迴使節承歡于時律  
轉玉衡星周金度早梅競放香浮席上之青尊  
瑞雪前飛色映堂中之白髮口脂面藥九重恩  
澤方來鶴馭鸞驂三島神仙可卽人間罕儼天  
下極榮某夙忝經帷欣瞻壽域愧身羈于京兆  
莫途鳧趨祗神泮于宮墻徒深雀躍遙獻崗陵  
之祝聊資筐篚之將伏願遐祉彌增純禧永祐  
際五百之昌運徽音共文德齊彰延八千之大

年椿樹與萱花並茂